

Қазақстан Республикасының Мәдениет және ақпарат министрлігінің ғылыми-техникалық кеңесті құру және оның ережесін бекіту туралы

Қазақстан Республикасы Мәдениет және ақпарат министрінің 2024 жылғы 30 қыркүйектегі № 455-НҚ бүйрығы

"Ғылым және технологиялық саясат туралы" Қазақстан Республикасының Заңының 7-бабының 3) тармақшасына сәйкес, БҰЙЫРАМЫН:

1. Қазақстан Республикасы Мәдениет және ақпарат министрлігінің ғылыми-техникалық кеңес (бұдан әрі – ғылыми-техникалық кеңес) құрылсын.

2. Осы бүйрыққа:

- 1) 1-қосымшаға сәйкес ғылыми-техникалық кеңес туралы ереже;
- 2) 2-қосымшаға сәйкес ғылыми-техникалық кеңестің құрамы бекітілсін.

3. Қазақстан Республикасы Мәдениет және ақпарат министрлігінің Білім және ғылым департаменті заңнамада белгіленген тәртіппен:

1) осы бүйрыққа қол қойылған күнінен бастап күнтізбелік бес күн ішінде оны қазақ және орыс тілдерінде ресми жариялау және Қазақстан Республикасы нормативтік құқықтық актілерінің эталондық бақылау банкіне енгізу үшін Қазақстан Республикасы Эділет министрлігінің "Қазақстан Республикасының Заңнама және құқықтық ақпарат институты" шаруашылық жүргізу құқығындағы республикалық мемлекеттік кәсіпорнына жіберуді;

2) осы бүйрықты Қазақстан Республикасы Мәдениет және ақпарат министрлігінің интернет-ресурсында орналастыруды қамтамасыз етсін.

4. Осы бүйрықтың орындалуын бақылау жетекшілік ететін Қазақстан Республикасының Мәдениет және ақпарат вице-министріне жүктелсін.

5. Осы бүйрық алғашқы ресми жарияланған күнінен кейін қолданысқа енгізіледі.

Министр

A. Балаева

"КЕЛІСІЛДІ"

Қазақстан Республикасының

Ғылым және жоғары білім

министрлігі

Қазақстан Республикасы
Мәдениет және ақпарат
министрінің
2024 жылғы 30 қыркүйектегі
№ 455-НҚ бүйрығына
1-қосымша

Қазақстан Республикасының Мәдениет және ақпарат министрлігінің ғылыми-техникалық кеңес туралы ереже

1-тaraу. Жалпы ережелер

1. Осы ғылыми-техникалық кеңес туралы ереже (бұдан әрі – Ереже) "Ғылым және технологиялық саясат туралы" Қазақстан Республикасы Заңының (бұдан әрі – Заң) 7-бабының 3) тармақшасына сәйкес өзірленген.

2. Ереже Қазақстан Республикасының Мәдениет және ақпарат министрлігінің ғылыми-техникалық кеңес (бұдан әрі – FTK) қызметінің құқықтық және ұйымдарстыруыштық негіздерін айқындайды.

3. FTK Қазақстан Республикасының Мәдениет және ақпарат министрлігінің (бұдан әрі – Министрлік) жаңындағы консультативтік-кеңесші орган болып табылады.

FTK ғылыми-зерттеу жұмыстары мен тәжірибелік-конструкторлық жұмыстардың (бұдан әрі – F3TKЖ) басым бағыттары жөніндегі ұсыныстар мен ұсынымдарды тұжырымдау, сондай-ақ ғылыми-техникалық жобалар мен бағдарламаларды бағалау мақсатында құрылады.

4. FTK өз қызметінде Қазақстан Республика асының Конституциясын, Зандарын, Қазақстан Республикасының Президенті мен Үкіметінің актілерін, өзге де нормативтік құқықтық актілерді, сондай-ақ осы Ережені басшылыққа алады.

2-тaraу. FTK-нің негізгі міндеттері мен функциялары

5. FTK-нің қызметі мынадай негізгі міндеттерді шешуге бағытталған:

1) ғылым және ғылыми-техникалық, технологиялық және инновациялық қызмет саласындағы мемлекеттік саясатты іске асыруға, ғылыми және (немесе) ғылыми-техникалық қызмет нәтижелерін коммерцияландыруға ұсыныстар өзірлеу және жәрдемдесу;

2) ғылыми-техникалық жобалар мен бағдарламаларды іске асыруды қалыптастыру бойынша ұсыныстар өзірлеу;

3) Қазақстан Республикасының ғылыми және ғылыми-техникалық, технологиялық және инновациялық қызмет саласындағы заңнамалық актілерін жетілдіру, ғылыми және (немесе) ғылыми-техникалық қызмет нәтижелерін коммерцияландыру бойынша ұсыныстар өзірлеу;

4) салалық ғылыми ұйымдар мен технологиялық және инновациялық қызмет ұйымдарын дамытуға ұсыныстар өзірлеу және қатысу.

6. FTK өзіне жүктелген міндеттерге сәйкес мынадай функцияларды жүзеге асырады :

Мемлекеттік бюджет қаражаты есебінен ғылыми зерттеулерді, ғылыми, ғылыми-техникалық жобалар мен бағдарламаларды, F3TKЖ, сондай-ақ ғылыми және (немесе) ғылыми-техникалық қызмет нәтижелерін (бұдан әрі – FFTҚН) коммерцияландыру жобаларын қаржыландыру мәселелері туралы:

- 1) Жоғары ғылыми-техникалық комиссияның күн тәртібіне қойылған мәселелер бойынша ұсыныстарды қарайды және әзірлейді;
- 2) Министрліктің ғылыми-техникалық және ғылыми-технологиялық міндеттері мен бағдарламаларын қалыптастыру бойынша ұсыныстар әзірлейді;
- 3) салаларда ғылыми, ғылыми-техникалық қызметтің басым бағыттарын іске асыру мақсатында мамандандырылған бағыттарды қалыптастыру бойынша ұсыныстар әзірлейді;
- 4) жобалар мен бағдарламаларды, сондай-ақ FFTҚН коммерцияландыру жобаларын гранттық және бағдарламалық-нысаналы қаржыландыру бойынша конкурстық күжаттаманы әзірлеу кезінде ұсыныстар әзірлейді;
- 5) бағдарламалық-нысаналы қаржыландыруға арналған техникалық шарттарды әзірлеу кезінде ұсыныстар әзірлейді;
- 6) жобалар мен бағдарламаларды іске асыруға бөлінетін қаржыландыру нысандары мен көлемдерін айқындау үшін ғылым саласындағы уәкілетті органға жіберілген өтініштерді қарайды;
- 7) ұсынылатын ғылыми, ғылыми-техникалық жобалар мен бағдарламалардың ғылыми жақалығы, ғылыми-техникалық деңгейі, перспективалары, даму дәрежесі, қаржыландырудың сұралатын көлемінің экономикалық орындылығы жөніндегі ұсынымдарды қарайды және әзірлейді;
- 8) Заңға сәйкес Ұлттық ғылыми кенестердің отырыстарына енгізілген мәселелер бойынша ұсынымдарды қарайды және әзірлейді.

Мемлекеттік технологиялық саясат және инновацияны мемлекеттік қолдау шаралары мәселелері бойынша:

- 1) мемлекеттік технологиялық саясаттың негізгі бағыттары бойынша ұсыныстар әзірлейді;
- 2) технологиялық дамудың басымдықтарын және мемлекеттік технологиялық саясаттың негізгі бағыттарын айқындау бойынша ұсыныстар әзірлейді;
- 3) елді инновациялық-технологиялық дамыту мәселелері бойынша ұсынымдар әзірлейді;
- 4) инновациялық жүйені және инновацияларды мемлекеттік қолдауға қатысатын инновациялық жүйе субъектілерінің қызметтің жетілдіру бойынша ұсыныстар әзірлейді;
- 5) салалық бағыттар бойынша мемлекеттік технологиялық саясат жөніндегі ұсыныстарды қарайды және әзірлейді;
- 6) негізгі (басымдық) технологияларды, технологиялық құзыреттің салалық орталықтарын, мақсатты технологиялық бағдарламаларды және салалардағы технологиялық платформаларды ұйымдастыруды айқындау бойынша ұсыныстар әзірлейді.
- 7) технологияларды іздеу жүйесін қалыптастыру және дамыту, оларды анықтау және нарыққа ілгерілетуге жәрдемдесу бойынша ұсыныстар әзірлейді;

8) инновациялық гранттар берудің басым бағыттарын айқындау, одан әрі инновациялық қызметті мемлекеттік қолдау саласындағы уәкілетті органға енгізу үшін ұсыныстар әзірлейді.

Министрліктің міндеттері шеңберінде:

1) ведомстволық бағынысты ғылыми ұйымдардың ғылыми, ғылыми-техникалық және өндірістік қызметі туралы есептерді тыңдайды;

2) ғылыми және (немесе) ғылыми-техникалық қызмет субъектілерімен, ЖООКБҰ, кәсіпкерлік субъектілерімен, квазимемлекеттік сектор субъектілерімен жоғары технологиялық өнімдерді шығаруды және (немесе) жаңа технологияларды енгізуді жүзеге асыратын бірлескен өндірістерді құру мақсатында ынтымақтастық мәселелерін қарайды;

3) Қазақстан Республикасының ғылыми және ғылыми-техникалық, технологиялық және инновациялық қызмет, FFTҚН коммерцияландыру саласындағы нормативтік құқықтық актілерін жетілдіру жөніндегі ұсыныстарды қарайды және әзірлейді;

4) Қазақстан Республикасының Мәдениет және ақпарат министрлінің тапсырмасы бойынша тиісті ұсынымдар әзірлей отырып, мәселелерді қарайды.

3-тарау. FTK қызметін ұйымдастыру

7. FTK құрамын Министрлік қалыптастырады және Қазақстан Республикасының Мәдениет және ақпарат министрі бекітеді.

8. FTK төрағадан және тұрақты мүшелерінен тұрады. FTK құрамына Министрліктің салалар бойынша жетекші ғалымдар, Министрліктің, мемлекеттік органдар мен даму институттарының, "Атамекен" Ұлттық кәсіпкерлер палатасының, Ұлттық холдингтер мен компаниялардың өкілдері, ұлттық ғылыми кеңестің мүшелері, жеке кәсіпкерлік субъектілерінің салалық қауымдастықтардың, сондай-ақ ғылыми және (немесе) ғылыми-техникалық қызмет субъектілері болып табылатын бейінді ғылыми ұйымдардың өкілдері кіреді.

9. FTK құрамының талаптарын ғылым саласындағы уәкілетті органмен келісілген Министрлік айқындаиды.

10. FTK құрамына сайланатын ғалымдар:

1) Қазақстан Республикасының азаматтары;

2) FTK құрамы қалыптасқан күнге дейін 3 (уш) жыл ішінде ғылыми және (немесе) ғылыми-техникалық қызметтің аккредиттелген субъектілерінің жұмыскерлері болып табылатын немесе шетелдік ғылыми ұйымдарда немесе ЖООКБҰ ғылыми және (немесе) ғылыми-техникалық қызметпен айналысатын ғылым докторы (PhD), бейіні бойынша доктор, ғылым докторы немесе ғылым кандидаты дәрежесінің болуы;

3) Министрліктің реттелетін салаларында ғылыми-зерттеу және (немесе) ғылыми-педагогикалық жұмыс өтілі кемінде 5 (бес) жыл болуы тиіс.

Кандидатта Web of Science (Веб оғ Сайенс) және (немесе) Scopus (Скопус) халықаралық базаларына сәйкес Хирш индексінің болуы (3 және одан көп) кандидатураны ұсыну күніне құпталады.

11. FTK құрамының 70%-нан (жетпіс пайыз) аспайтын, жұмыс өтілі кемінде 5 (бес) жыл:

1) тиісті мемлекеттік органдар ұсынған мемлекеттік органдардың;

2) Министрліктің реттелетін салаларында тиісті ұйымдар ұсынған ұлттық басқарушы холдингтердің, ұлттық даму институттарының, ұлттық холдингтердің, ұлттық компаниялардың;

3) "Атамекен" Қазақстан Республикасының Ұлттық кәсіпкерлер палатасы ұсынған жеке кәсіпкерлік субъектілері мен олардың бірлестіктерінің жұмыскерлерінен және (немесе) сарапшыларынан қалыптастырылады.

12. FTK құрамына осы ұйым негізгі жұмыс орны болып табылатын бір ұйымнан бірнеше қызметкер кірмейді.

13. FTK төрағасы және төраға орынбасары бірінші отырыста FTK мүшелерінің ашық дауыс беруі арқылы FTK мүшелері арасынан сайланады.

14. FTK төрағасы:

1) отырыстарда төрағалық етеді және оның қызметіне басшылық жасайды;

2) даулы мәселелерді талқылауда алқалылықты қамтамасыз етеді,

3) FTK отырыстарын өткізу дің күн тәртібін, күнін, уақытын, орнын және нысанын айқындайды;

4) FTK отырыстарының хаттамаларына қол қояды;

5) FTK шешімдерінің іске асырылуына жалпы үйлестіруді жүзеге асырады.

15. Төрағаның болмау мерзімінде оның функцияларын төраға орынбасары атқарады

16. FTK жанынан ғылыми қамтамасыз етуді ұйымдастыру және FTK отырысына шығарылатын бейіндік мәселелерді қарau үшін өз қызметін жүзеге асыратын бейіндік секциялар (бұдан әрі – Секциялар) құрылады.

17. FTK құрамы 3 (үш) жыл мерзімге бекітіледі және әрбір Секция бойынша саны 7 (жеті) адамнан аспайтын мүшелердің тақ санынан тұрады.

18. FTK жұмысы күндізгі және сырттай отырыстар нысанында жүзеге асырылады. FTK отырыстары Министрліктің интернет-ресурсында онлайн-трансляциямен өтеді. Отырыстың хаттамалары, күн тәртібіндегі мәселелер бойынша материалдарды, есептер, актілер Министрлікке беріледі және "Мемлекеттік және мемлекеттік емес ұйымдарда құжаттама жасау, құжаттаманы басқару және электрондық құжат айналымы жүйелерін пайдалану қағидаларын бекіту туралы" Қазақстан Республикасы Мәдениет және спорт министрінің 2023 жылғы 25 тамыздағы № 236 бүйрығына (Нормативтік құқықтық актілерді мемлекеттік тіркеу тізілімінде № 33339 болып тіркелген) сәйкес сақталады.

19. FTK қажеттілігіне қарай жиналады, бірақ жылына кемінде екі рет. FTK егер отырысқа оның құрамының кемінде 2/3 бөлігі қатысқанда, шешімдер қабылдайды.

20. Жұмыс органының лауазымды адамы болып табылатын FTK хатшысы:

1) FTK отырыстарға материалдарды дайындауды, жинауды және жүйелеуді;

2) FTK мүшелеріне және шақырылған адамдарға FTK отырыстарын өткізу туралы хабарламаларды уақтылы жіберуді;

3) отырыстардың күн тәртібін әзірлеуді, отырыстарды хаттамалауды;

4) FTK шешімдерінің жобаларын дайындауды және отырыстардан кейін хаттамаларды ресімдеуді жүзеге асырады.

21. FTK жұмыс органы Министрліктің талдау және стратегиялық жоспарлау департаменті (бұдан әрі – Жұмыс органы) болып табылады.

22. Жұмыс органы FTK қызметін қамтамасыз ету мақсатында:

1) FTK ұйымдастыруышылық-техникалық жұмысын қамтамасыз етуді;

2) отырыс өткізілгенге дейін 5 (бес) жұмыс күні бұрын жетекшілік ететін вице-министрлармен келесілген FTK мүшелеріне жіберілетін материалдарды дайындауды;

3) FTK жұмысы туралы жоспарлар мен есептер жасайды және орындалуын үйлестіруді жүзеге асырады.

23. FTK шешімдері ашық дауыс беру арқылы қабылданады және FTK-нің отырысына қатысқан мүшелердің жалпы санының кемінде 2/3-і дауыс берсе, қабылданды деп есептеледі. Дауыстар тең болғанда, шешуші Төрағаның дауысы болады. Хатшы FTK мүшесі болып табылмайды және шешім қабылдау кезінде дауыс бермейді. Дауыс беруге шығарылған мәселе бойынша FTK мүшелерінің ерекше пікірі болған жағдайда, Хатшы хаттамаға тиісті жазба енгізеді. FTK мүшесінің шешімдер қабылдау және дауыс беруден негіzsіз бас тартуына болмайды.

24. FTK шешімдері хаттамамен ресімделеді және оған Төраға, FTK мүшелері мен Хатшы қол қояды. Хаттамалардың көшірмелері FTK мүшелеріне жіберіледі.

25. FTK жұмыс органы жыл сайын есепті жылдан кейінгі айдың 20-күнінен кешіктірмей ғылым саласындағы уәкілетті органға есепті кезеңнің қорытындылары бойынша FTK жұмысы туралы ақпарат ұсынады.

Қазақстан Республикасы
Мәдениет және ақпарат
министрінің
2024 жылғы 30 қыркүйектегі
№ 455-НҚ бұйрығына
2-қосымша

**Қазақстан Республикасының Мәдениет және ақпарат министрлігінің ғылыми-техникалық
кенестің құрамы**

№	Лауазымы

	Хатшы	Қазақстан Республикасының Мәдениет және ақпарат министрлігінің талдау және стратегиялық жоспарлау департаментінің қызметкери
1.	Мүшелер	Қазақстан Республикасының Мәдениет және ақпарат вице-министрі
2.		"Атамекен" Қазақстан Республикасы Ұлттық кәсіпкерлер палатасының өкілі (келісім бойынша)
3.		ұлттық ғылыми кеңестің мүшесі (келісім бойынша)
4.		жеке кәсіпкерлік субъектілерінің салалық қауымдастықтың өкілі (келісім бойынша)
5.		даму институтының өкілі (келісім бойынша)
6.		ұлттық холдингтің өкілі (келісім бойынша)
7.		ұлттық компанияның өкілі (келісім бойынша)
8.		ғылым саласындағы уәкілдегі органның өкілі (келісім бойынша)

Мәдениет сұрақтары бойынша секция

9.		"Қазақстан Республикасы Мәдениет және ақпарат министрлігінің Мәдениет комитеті "респубикалық мемлекеттік мекемесінің төрағасы
10.		ғалым, Қазақстан Республикасы Мәдениет және ақпарат министрлігі Мәдениет комитетінің "Мәдениеттерді жақындастыру орталығы" мемлекеттік музейі" респубикалық мемлекеттік қазыналық кәсіпорнының қызметкери
11.		ғалым, Қазақстан Республикасы Мәдениет және ақпарат министрлігінің "Қазақ ұлттық өнер университеті" респубикалық мемлекеттік мекемесінің ғылыми қызметкери
12.		Қазақстан Республикасы Мәдениет және ақпарат министрлігі Мәдениет комитетінің "Қазақстан Республикасының Ұлттық музейі" респубикалық

		мемлекеттік қазыналық кәсіпорнының қызметкери
13.		ученый
Архив, құжаттама және кітап ісі сұрақтары бойынша секция		
14.		"Қазақстан Республикасы Мәдениет және ақпарат министрлігінің Архив, құжаттама және кітап ісі комитеті" республикалық мемлекеттік мекемесінің төрағасы
15.		ғалым, Қазақстан Республикасы Мәдениет және ақпарат министрлігі Архив, құжаттама және кітап ісі комитетінің "Қазақстан Республикасының Ұлттық архиві" республикалық мекемесінің қызметкери
16.		ғалым, Қазақстан Республикасы Мәдениет және ақпарат министрлігі Архив, құжаттама және кітап ісі комитетінің "Қазақстан Республикасының Ұлттық кітапханасы" республикалық мемлекеттік мекемесінің қызметкери
17.		ғалым, Қазақстан Республикасы Мәдениет және ақпарат министрлігі Архив, құжаттама және кітап ісі комитетінің "Орталық мемлекеттік ғылыми-техникалық құжаттама архив" республикалық мемлекеттік мекемесінің қызметкери
18.		ғалым, Қазақстан Республикасы Мәдениет және ақпарат министрлігі Архив, құжаттама және кітап ісі комитетінің "Қолжазбалар және сирек кітаптар ұлттық орталығы" республикалық мемлекеттік мекемесінің қызметкери
Жастар және отбасы сұрақтары бойынша секция		
19.		"Қазақстан Республикасы Мәдениет және ақпарат министрлігінің Жастар және отбасы істері комитеті" республикалық мемлекеттік мекемесінің төрағасы

20.		"Жастар" ғылыми-зерттеу орталығы" жауапкершілігі шектеулі серіктестігінің өкілі
21.		ғалым (келісім бойынша)
Креативті индустриялар сұрақтары бойынша секция		
22.		креативті индустриялар қорының өкілі (келісім бойынша)
23.		ғалым (келісім бойынша)
24.		ғалым (келісім бойынша)
Азаматтық қоғам сұрақтары бойынша секция		
25.		"Қазақстан Республикасы Мәдениет және ақпарат министрлігінің Азаматтық қоғам істері комитеті" республикалық мемлекеттік мекемесінің төрағасы
26.		"Қазақстандық қоғамдық даму институты" коммерциялық емес акционерлік қоғамының қызметкери
27.		"Азаматтық бастамаларды қолдау орталығы" коммерциялық емес акционерлік қоғамының қызметкери
28.		ғалым (келісім бойынша)
29.		ғалым (келісім бойынша)
Дін сұрақтары бойынша секция		
30.		"Қазақстан Республикасы Мәдениет және ақпарат министрлігінің Дін істері комитеті" республикалық мемлекеттік мекемесінің төрағасы
31.		"Конфессияаралық және өркениетаралық диалогты дамыту жөніндегі Н. Назарбаев орталығы" коммерциялық емес акционерлік қоғамының қызметкери
32.		ғалым (келісім бойынша)
Этносаралық қатынастар сұрақтары бойынша секция		
33.		"Қазақстан Республикасы Мәдениет және ақпарат министрлігінің Этносаралық қатынастарды дамыту комитеті" республикалық мемлекеттік мекемесінің төрағасы
34.		ғалым, "Қолданбалы этносаяси зерттеулер институты" жауапкершілігі шектеулі серіктестігінің қызметкери

35.		ғалым, Қазақстан Республикасы Мәдениет және ақпарат министрлігі Этносаралық қатынастарды дамыту комитетінің "Қоғамдық келісім" республикалық мемлекеттік мекемесінің қызметкери
36.		ғалым (келісім бойынша)
37.		ғалым (келісім бойынша)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК